

BIBLIOTEKA SHKENCORE POPULLORE




Prof. R. V. KUNICKI

DITA, NATA STINËT

BIBLIOTEKA
SHTETIT

52
K 98



R 6
57
92-96

52
K98

5032 52 S

MINISTRIJA E ARËSIMIT DHE E KULTURËS

Prof. R. V. KUNIC

BIBLIOTEKA E SHTETIT
GJIROKASTER

DITA DHE NATA
STINET



42682

TIRANE 1954


T R E G O N J Ë S I

1) Pse ?	F. 3
2) Pse ekzistojnë muzgjet?	» 4
3) Si është gjetur se toka është e rrumbullaktë?	» 8
4) Pse ndodhë ndryshimi i ditës dhe i natës?	» 14
5) Si është provuar se toka rrotullohet?	» 17
6) Pse në verë bënë më të ngrrohtë se në dimër?	» 21
7) Pse në verë dielli qëndron mbi horizont më lartë se në dimër?	» 25
8) Pse bëhet lëvizja vjetore e diellit në mes të yjet?	» 28
9) Si provohet se toka levizë rreth diellit?	» 31
10) Pse ndodhë ndryshimi i stinavet?	» 35
11) Çka janë planetet dhe çka janë yjet?	» 42
12) Çfarë vendi zen toka në rçozullim?	» 47

STASH 2204 — 52

Tirazhi 3000 copë

Stabilimenti «Mihal Duri» Tiranë



1. PSE?

Shumë gjëra që na rrethojnë në natyrë ne i kemi mësuar ndër vjetët e para të fëminisë. Seicili prej nesh e din pér shëmbell se po bie shi. Kjo ne na duket mjaft e thjeshtë dhe e zakonshme me qenë se nuk mendojmë pse ndoth kjo gjë. Dhe në qoftë se pér shëmbell ju bëhet pyetja: pse bie shiu? si i përgjigjeni?

Sigurisht ju do të thoni se shiu bie nga retë që mbajnë shi dhe retë formohen nga avullimi i ujut të lumenjvet, të detrave dhe të oqeanevet; ato përbëhen prej pikash uji të vogla dhe këto pika, duke u mbledhur së bashku, bëhen më të rënda dhe shiu bie në tokë.

Të gjitha këto janë të vërteta. Po kur flitet mbi retë duhet të shpjegohet se si janë formuar ato prej avujve – të lehtë dhe të pangjyrë t'ujit? Përse pikat e vogla t'ujit nuk bien menjëherë në tokë por qëndrojnë në formën e revet n'atmosferë? (1). Çfar i shtërngon avujt e ujit të mblidhen n'ajër në pika të mëdha dhe

(1) Atmosferë: quhet shtresa e ajrit që rrethon dheun nga të gjitha anët.

pse këto pika nganjëherë janë më të mëdha dhe nga njehërë janë më të vogla?

Për t'u përgjegjur të gjitha këtyre pyetjeve duhet ndoshta të lexohet libri që trajton këto çeshtje. Ngà ky libër ju do të mësoni se vonë i është dhënë shpjetimi shkencor i drejtë pyetjes pse bie shiu.

Në një kohë njerzit mendonin se qielli është i ngurtë dhe se mbi' të gjëndet shumë ujë. Kur çelen përtat qiellore – thonin ata – ky ujë bie në tokë në formë të shiut. Në biblië, (2) për shëmbull, flitet mbi «qiellin e ngurrtë që ndan ujrat qiellore» nga ujrat tokësore mbi mbytjen e përbotëshme për arsy se ishin hapur «vrimat qiellore».

Mund të paraqesim edhe shumë shëmbuj të tjera prej të cilavet duket se si fenomenet (3) shum të thjeshta, shpjegoheshin në mënyrë krejt të paregulltë.

Në këtë libër të vogël ne do të mundohemi t'i përgjigjemi dy pyetjet: pse dita ndryshohet në natë dhe nata në ditë, dhe pse ndryshojnë stinët gjatë vitit Krahas me këto po i përgjigjemi edhe disa pyetjeve të tjera.

2. ÇËSHTË MUZGU?

Cdo njeri e di se drita del shumë kohë përparrë se të lindi Dielli. Kështu ndodhë që Dielli duket vetëm mbas një ore (dhe ndonjëherë edhe më tepër) që qelli ka filluar të ndriçohet. Cila është arsyja? – A ndriçohet vetë qelli apo Dielli e ndriçon atë? Dhe a mund

(2) Biblië: libër i shenjtë i fesë izraelite.

(3) Fenomen – ngjarje, ndodhje p. sh. shiu, tërmeti, furtuna ja në fenomene të natyrës.

të ndriçohet qelli në qoftë se qelli nuk është i ngurrtë?

Sikurse dihet toka e jonë është e rrrethuar me një shtresë të trashë ajrore – me mbështjelljen ajrore. Kjo mbështjellje ajrore ndriçohet përpara lindjes dhe pas perëndimit të Diellit dhe për këtë arsyen në tokë ndodhin muzgu i agimit dhe i mbrëmjes. Ndritë kështu mbështjellja ajrore ose – sikurse i thonë – atmosfera, me qënë se atë e ndriçojnë rrezet e Diellit që akoma nuk ka lindur ose që ka perënduar. Njerëzit për shumë kohë këtë gjë nuk e kanë kuptuar dhe ata nuk i shpjegonin muzgjet në mënyrë të drejtë.

Njerzit kujtonin se drita e ditës ndryshon nga drita e Diellit. Ata kujtonin se kur Dielli lind, drita e ditës fuqizohet nga rrezet diellore dhe nuk prodhohet tërësisht prej saj.

Në mënyrë të padrejtë kanë arsyetuar edhe njëritë që kanë shkruar biblën. Për shëmbull në tregimin e biblës – mbi krijimin e botës (rrozullimit) nga Zoti, në gjashtë ditë – thuhet se në ditën e parë, duke krijuar qellin dhe tokën, Zoti ka ndarë dritën nga errësira dhe ka filluar të ndryshohet dita në natë. Por dielli që krijuar vetëm në ditën e katërt, d.m.th. atëherë kur dita duhet të ishte ndryshuar në natë – tri herë.

Tani e dijmë se qelli ndriçohet edhe përpara lindjes së diellit dhe pas perëndimit të tij, vetëm nga rrezet diellore. Dhe po mos t'ishte Dielli nuk do të kishte as ditë, as muzg.

Që të paraqitet në mënyrë të qartë shkaku i prodhimit të muzgut duhet të kuptohet se toka është një sferë (4) e madhe.

(4) Sferë : Lëmsh.

Po të pranohet kjo, atëherë është e qartë se rrezet e diellit mund të ndriçojnë njëkohësisht vetëm gjysmën e sferës tokësore. Në gjysmën e ndriçuar të sferës tokësore do të jetë ditë dhe në gjysmën tjetër të pandriçuar të sferës tokësore do të jetë natë. Njerzit që gjinden ne gjysmën e pandriçuar të sferës tokësore




Fig. 1 Shpjegimi i burimit të muzgut. Shigjetat n'anën e majtë të figurës paraqesin drejtimin e rrezeve të diellit.

nuk e shikojnë diellin me qënë se ata mbulohen për shkak të konveksitetit (5) të tokës. Dielli për' ta gjendet – sikurse thuhet – "nën horizont" (6) d.m.th. poshtë vijës ku ne na duket se qielli bashkohet me tokën.

Me qënë se dielli gjendet nën-horizont, ay nuk

-
- (5) Konveks (Konveksitet) = i përkultur dhe i rrumbullakët (me bark) në sipërfaqe.
 - (6) Horizont – largësia më e madhe ku arrin shikimi i njeriut dhe që na duket se qielli bashkohet me tokën. Kjo vijë që duket sikur bashkohet qielli me tokën quhet horizont.

mund të ndriçojë njerzit që gjënden në tokë por mund të ndriçojë ajrin që gjendet mbi ata (mbi sipërfaqen tokësore ku gjënden njerzit).

Sigurisht se kjo gjë mund të ndodhë vetëm n'ato raste kur Djelli nuk gjëndet shumë poshtë, nën horizont d.m.th. pak kohë përpara se të lindi ose pak kohë passi të perëndojojë. Në këtë mënyrë shpjegohet shkaku që njerëzit, të cilët banojnë afër malevet, shpesh mund të vrejnë, kur moti është i qartë dhe kur dielli gjëndet akoma nën horizont, se majat e malevet një copë herë përpara lindjes së diellit janë të ndriçuara nga rrezet e tija.

Për të kuptuar më mirë këtë fenomen — shikoni figurën 1. Në këtë figurë është paraqitur pjesa e sférës tokësore, ana e majtë. e së cilës është ndriçuar nga rrezet diellore. Rrezet janë paraqitur në figurë me nëndë shigjeta (në të vërtetë numri i rrezeve diellore që bien në tokë është i pakufishëm).

Sfera tokësore është e rrëthuar nga atmosfera; edhe kufiri i sipërmë i atmosferës është i paraqitur në figurë.

Në figurë shihet se nuk e ndriçojnë tokën të gjitha rrezet që vijnë nga Dielli.

Kështu të gjitha rrezet e diellit që shkojnë në mes të shigjetës së parë dhe të shigjetës së dytë nuk e ndriçojnë as tokën as mbështjelljen ajrore (atmosferën e saj). Rrezet e diellit që kalojnë në mes shigjetës së dytë dhe shigjetës së tretë nuk e ndriçojnë tokën por vetëm atmosferën tokësore. Ndërsa rrezet e diellit që kalojnë nën shigjetën e tretë e ndriçojnë tokën.

Në qoftë se ju gjëndeni n'anën e ndriçuar të tokës atëhere ju mund ta shikoni diellin. Të marrim me mënd tani se dielli është rrotulluar, dhe vëndi A (fig. 1)

ku ju gjëndeni tani-nuk është ndriçuar nga dielli. Por aqirin sipër jush, që është i ndriçuar nga rrezet e dieillit të cilat kalojnë në mes të shigjetës së dytë dhe shigjetës së tretë, — mund t'a shikoni dhe prandaj pjesa e qiellit mbi ju do të jetë e ndriçuar; ky fenomen quhet muzg (nga vëndi A ju mund të shikoni gjith-çka gjëndet sipër vijës së drejtë pika-pika që kalon nëpër vëndin A.) Ndryshe ngjet kur ju gjëndeni në vëndin B (fig. 1). Edhe në këtë rastë ju mund të shikoni vetëm atë që gjëndet sipër vijës së drejtë pikapika që kalon nëpër këtë vënd. Por në këtë rast asnjë rreze diellore nuk është n'atë pjesë t'atmosferës tokësore të cilën ju mund t'a shikoni. Prandaj, kur gjëndeni në vëndin B qielli i juaj është i errët dhe në këtë vënd është natë.

Në këtë mënyrë pra shpjegohet muzgu i mëngjezit dhe muzgu i mbrëmjes.

3. SI ËSHTË GJETUR SE TOKA ËSHTË E RRUMBULLAKTË?

Kur kemi folur mbi shkakun që lindin muzgjet ne kemi thënë se forma e tokës është sferike. Që toka është e rrumbullaktë të gjith' e kan dëgjuar, por jo të gjithë mund t'i përgjigjen pyetjes: si mund të provohet se toka është e rrumbullaktë? Në qoftë se me të vërtetë toka është e rrumbullaktë si nuk bien nga ajo njerzit që jetojnë në të gjitha anët e saj?

Po i përgjigjemi më parë pyetjes, pse njerëzit nuk bien nga toka.

Toka është shum' e madhe. Diametri (7) i saj nuk është më i vogël se 13.000 kilometra. Ajo tërheq me forcë të madhe të gjithë sendet që gjenden në sipërfaqen e saj si edhe sendet që gjenden mbi të. Të gjithë e dijnë mirë se është shum' e rrezikshme të rëzo-hesh nga çatijâ e shtëpisë, ose nga një pemë e lartë në tokë. Toka na tërheqë nga vehtja, me një forcë aq të madhe sa që duke rënë edhe nga një lartësi e vogël mund të dëmtohem.

Po të hidhni lart një gur, ay do të bjerë përsëri në tokë. Edhe predha që del nga arma me shpejtësi të madhe në drejtim prej poshtë lartë, do të bjerë në sipërfaqen e tokës, edhe pse në fillim mund të largohet prej saj në një largësi të madhe. Por që predha (ose një send tjetër i çfarëdoshëm) të mund të flurojë larg nga toka duhet të levizi me një shpejtësi të madhe – të lëvizi afro 700 kilometra në një minutë, d.m.th. të ketë një forcë të tillë shtytëse. Për ndryshe forca tërheqëse e tokës e shtrëngon predhën të bjerë përsëri në sipërfaqen e tokës.

Kjo pra është arsyaja që njerëzit mund të jetojnë në të gjitha anët e sferës tokësore, duke mos rënë prej tokësasnijë prej tyre.

Të provojmë tani se toka është e rrumbullaktë. Që toka është e rrumbullaktë mund të provohet në mënyra të ndryshme.

Një nga fenomenet e para që i kà shtërnguar

(7) Diametër: Vija e drejtë që e ndan rrethin në dy pjesë të barabarta duke kaluar nga qëndra e tij. Në këtë rast është vija e përfytyruar që kalon përmes tokës në thellësit' e sajë dhe e ndan tokën hë dy pjesë të barabarta (në pjesën veiore dbe në pjesën jugore).